



Nick Ramsay AS
Cadeirydd – Y Pwyllgor Cyfrifon Cyhoeddus
Senedd Cymru
Bae Caerdydd
Caerdydd
CF99 1NA

8 Mawrth 2021

Annwyl Gadeirydd

Y PWYLLGOR CYFRIFON CYHOEDDUS – SESIWN DIWEDD Y TYMOR

Yn ystod y sesiwn dystiolaeth a fynychais gyda'r Pwyllgor Cyfrifon Cyhoeddus ar 8 Chwefror, ymrwymais i ysgrifennu atoch i ddarparu rhagor o wybodaeth mewn nifer o feysydd, fel y dangosir yn y camau dilynol sy'n deillio o'r sesiwn.

Nodir yr wybodaeth ofynnol isod ac mae wedi'i rhifo er hwylustod.

1. Cytunwyd i egluro'r sefyllfa ariannol o ran Canolfan Gynadledda Ryngwladol Cymru (ICCW) a chynghori'r Cadeirydd

Buddsoddodd Llywodraeth Cymru £1 miliwn fel rhan o'r pecyn cyllid a luniwyd ym mis Medi 2020. Gwnaeth y partner cyfranddaliadau, sef The Celtic Manor Resort Ltd fuddsoddi'r un peth. Cyflwynwyd benthyciad banc newydd o £2.5 miliwn ar yr un pryd. Oherwydd bod gan Lywodraeth Cymru gyfran o 50% yn y cwmni, roedd rhwymedigaeth i dderbyn taliadau cyllideb cyfalaf o £1.25 miliwn mewn perthynas â'r benthyciad newydd, a fydd yn gwrthdroi wrth i'r ddyled gael ei had-dalu.

Felly, mae'n fuddsoddiad uniongyrchol o £1 miliwn, ynghyd â'r tâl cyllideb cyfalaf o £1.25 miliwn sy'n effeithio ar gyllideb 2020/21.

2. Bydd yn cadarnhau a oes unrhyw gytundebau benthyca eraill ar waith rhwng Llywodraeth Cymru a gwasanaethau cyhoeddus sy'n debyg i'r trefniant gyda Maes Awyr Caerdydd

Parc Cathays/Cathays Park
Caerdydd/Cardiff
CF10 3NQ

Mae'r cytundebau benthycia gyda Maes Awyr Rhyngwladol Caerdydd Cyf (CIAL) yn dwyn llog a gallaf gadarnhau bod gan Lywodraeth Cymru nifer o gytundebau benthycia eraill ar waith gyda darparwyr gwasanaethau cyhoeddus. Fodd bynnag, nid oes trefniant tebyg am debyg ar waith ac mae'r holl fenthyciadau a wneir gan Lywodraeth Cymru yn cael eu hasesu a'u dyfarnu yn seiliedig ar rinweddau pob achos.

Mae'r benthyciadau i CIAL wedi'u gwneud ar sail buddsoddi Egwyddor Gweithredwr Economi'r Farchnad (MEOP) fel y byddem yn ei wneud ar gyfer unrhyw fusnes arall. Nid dyma'r un sail ag y mae benthyciadau i awdurdodau lleol, neu debyg, yn cael eu gwneud. Yn yr achosion hyn, rydym yn cynnig amrywiaeth o becynnau cymorth ariannol, sy'n cynnwys benthyciadau ar sail fasnachol, lle mae'r telerau'n amrywio rhwng ei gwneud yn ofynnol i'r derbynnydd dalu'r llog drwy gydol cyfnod y benthyciad a lle caiff y llog ei grynhoi fel taliad bwled ar ddiwedd cyfnod y benthyciad.

3. Bydd yn cadarnhau'r cyfanswm sy'n ddyledus ar yr holl fenthyciadau a dynnwyd i lawr hyd yn hyn ynghyd â llog a gronwyd hyd yn hyn

Y cyfanswm sy'n ddyledus ar yr holl fenthyciadau i CIAL sydd wedi'u tynnu i lawr hyd yn hyn yw £59.4 miliwn (gan gynnwys cyfleuster benthycia brys ar gyfer COVID-19 o £4.8 miliwn) ynghyd â llog a gronwyd hyd yn hyn o £9.5 miliwn.

4. Cytunwyd i roi'r wybodaeth ddiweddaraf am Faes Awyr Caerdydd bob chwe mis i'r Pwyllgor olynol

Ysgrifennais atoch ar 3 Mawrth i egluro statws presennol y trefniadau ariannu gyda Maes Awyr Caerdydd ac i roi gwybod am y datganiad a wnaethpwyd gan Weinidog yr Economi, Trafnidiaeth a Gogledd Cymru. Bydd fy swyddogion yn parhau i roi'r newyddion diweddaraf bob chwe mis i'r Cadeirydd yn ôl y gofyn.

5. Bydd yn rhannu'r cynllun cyflawni ar gyfer yr Economi Sylfaenol

Mae Cynllun Cyflawni'r Economi Sylfaenol ar ffurf ddrafft ar hyn o bryd ac yn aros i Weinidogion ei gymeradwyo. Rhagwelir y bydd y gwaith hwn yn cael ei gwblhau cyn diwedd mis Mawrth a byddwn yn anfon y fersiwn gymeradwy at y Cadeirydd cyn gynted ag y bydd ar gael.

6. Bydd yn darparu ffigurau mewn perthynas â'r cynlluniau cymorth ariannol a ddarparwyd a'u canlyniadau i fusnesau ar gyfer pob cylch ymgeisio yn ystod y pandemig.

Darparwyd dadansoddiad llawn o'r cynlluniau cymorth ariannol a ddarparwyd a'u canlyniadau yn y papur tystiolaeth i gefnogi'r sesiwn. Rwyf wedi atodi'r manylion yn Atodiad A er hwylustod.

7. Bydd yn ymchwilio i'r posibilrwydd o gael llinell gymorth bwrpasol ar gyfer rhoi gwybod am achosion tybiedig o dwyll sy'n gysylltiedig â COVID-19.

Mae gan Lywodraeth Cymru eisoes linell gymorth ffôn ac e-bost sy'n bwrpasol ar gyfer twyll. Mae'r rhain wedi cael eu monitro gan y Pennaeth Gwrth Dwyll drwy gydol y pandemig. Cadwyd cysylltiad cryf â Llywodraeth y DU ac mae Llywodraeth Cymru wedi cael adroddiadau rheolaidd ar achosion tybiedig o dwyll sy'n ymwneud â Chymru o linellau adrodd y Fenter Twyll Genedlaethol (NFI) yn Swyddfa Gabinet y DU, Crime Stoppers a thrwy Action Fraud, sef canolfan adrodd genedlaethol y DU ar gyfer twyll a seiberdroseddu. O ganlyniad i'r ffordd hon o weithio, nid yw Llywodraeth Cymru o'r farn bod angen creu dulliau ychwanegol ar gyfer adrodd am dwyll, rhag ofn bod hyn yn creu cymhlethdod ychwanegol di-fudd. Mae'r ffordd hon o adrodd am dwyll yn gyson â'r hyn a wneir gan y Gweinyddiaethau Datganoledig eraill.

Bydd gwaith pellach yn cael ei wneud gyda'r ymarfer paru data a fydd yn adolygu'r holl daliadau COVID-19 ac yn paru â data CThEM. Bydd Llywodraeth Cymru, fel arfer, yn gweithio'n agos gydag Archwilio Cymru ar yr ymarfer hwn.

8. Bydd yn sicrhau bod copi o'r adroddiad cychwynnol ar werthuso cymorth busnes ehangach, grantiau busnes, ynghyd â'r rhai a weinyddir drwy awdurdodau lleol, yn cael ei anfon at y Pwyllgor.

Penodwyd Dirnad Economi Cymru (EIW) i archwilio effaith a chynnal gwerthusiad o'r Gronfa Cadernid Economaidd. Cyhoeddwyd yr adroddiad cam cyntaf "Ymyriadau ariannol COVID-19: Dadansoddiad o fuddiolwyr Cymru" ym mis Rhagfyr 2020. Mae ymyriadau'r Gronfa Cadernid Economaidd yr ymchwiler iddynt yn yr adroddiad hwn yn cynnwys grantiau busnes Cam 1 a 2 a weinyddir gan Lywodraeth Cymru a Chynllun Benthyciadau Busnes COVID-19 Cymru a reolir gan Fanc Datblygu Cymru. Mae'r adroddiad hwn hefyd yn ystyried y grantiau ardrethi annomestig a weinyddir gan awdurdodau lleol. Mae dau gam arall i waith Dirnad Economi Cymru sy'n cynnwys elfen arolwg a gwerthusiad dilynol o effaith a chasgliadau a gynlluniwyd ar gyfer 2021 a dechrau 2022. Mae'r ddolen isod yn dangos yr adroddiad gwerthuso.

https://developmentbank.wales/sites/default/files/2020-12/EIW%20bespoke%20report%20on%20Covid-19%20interventions_CYM.pdf

Mae'r ddolen hon yn dangos ffeithlun sy'n rhoi dadansoddiad o fuddiolwyr Cymru.

https://developmentbank.wales/sites/default/files/2020-12/EIW%20COVID-19%20infographic_CYM.pdf

Un maes arall i'w nodi yw fy ymrwymiad i rannu adroddiad terfynol yr adolygiad mewnol o'r broses gaffael ar gyfer Cefnogi Swyddi Cymru. Byddaf yn ei gyhoeddi cyn bo hir ac yn anelu at ei anfon atoch chi cyn cyfnod y Pasg.

Rhowch wybod i mi os oes gennych unrhyw gwestiynau pellach.

Gyda dymuniadau gorau.

Yn gywir



Andrew Slade

Cyfarwyddwr Cyffredinol

Grŵp yr Economi, Sgiliau a Chyfoeth Naturiol

Y Gronfa Cadernid Economaidd COVID-19 – Diweddariad

System Cyfrifon Busnes - Y Gronfa Cadernid Economaidd 1	Micro	BBaCh	Mawr	CYFANSWM
Nifer y ceisiadau a ddaeth i law	8,143	1,311	28	9,482
Swm £m (a gafwyd)	£106.0	£56.1	£11.8	£173.9
Nifer y ceisiadau a gymeradwywyd	5,850	1,124	24	6,998
Swm £m (a gymeradwywyd)	£78.8	£48.6	£10.5	£137.9
Swyddi wedi'u diogelu	20,820	27,135	47	48,002

System Cyfrifon Busnes - Y Gronfa Cadernid Economaidd 2	Micro	BBaCh	Mawr	CYFANSWM
Nifer y ceisiadau a ddaeth i law	4,827	358	5	5,185
Swm £m (a gafwyd)	£50.2	£13.7	£1.3	£65.2
Nifer y ceisiadau a gymeradwywyd	4,473	320	4	4,797
Swm £m (a gymeradwywyd)	£46.7	£12.7	£1.3	£60.7
Swyddi wedi'u diogelu	4,340	7,234	0	11,574

Banc Datblygu Cymru – Cynllun Benthyciad Busnes COVID-19 Cymru	CYFANSWM
Nifer y ceisiadau a gymeradwywyd	1,132
Swm £m (a gymeradwywyd)	£92.0
Swyddi wedi'u diogelu	16,000

Grantiau Ardrethi Annomestig					
Grant 1 : 25k (Mawrth)		Grant 2: 10k (Mawrth)		Grant 3: 2.5k (Lleol)	
Nifer y taliadau	Gwerth y taliadau	Nifer y taliadau	Gwerth y taliadau	Nifer y taliadau	Gwerth y taliadau
8,502	£212,303,060	56,079	£561,281,046	1,648	£4,120,000

Grant 4: 5K (Cyfnod atal byr)			Grant 5: 1-4K (Cyfnod atal byr)		
Nifer y taliadau	Gwerth y taliadau	Nifer y gweithwyr	Nifer y taliadau	Gwerth y taliadau	Nifer y gweithwyr
4,963	£24,811,000	58,655	37,523	£94,371,000	152,502
Grant 6: 1.5K/2k					
Nifer y taliadau	Gwerth y taliadau	Nifer y gweithwyr			
10,686	£18,253,647	28,086			

Cyfyngiadau'r Nadolig ac Estyniadau hyd yn hyn							
Grant 7: 3K		Grant 8: 5K Gwerth ardrethol 21-50		Grant 9: 5k Gwerth ardrethol 51+		Grant 10: 2k Disg	
Nifer y taliadau	Gwerth y taliadau	Nifer y taliadau	Gwerth y taliadau	Nifer y taliadau	Gwerth y taliadau	Nifer y taliadau	Gwerth y taliadau
23,583	£70,727,500	4,600	£23,345,000	425	£2,257,000	4,744	£9,606,000

Y Gronfa Cadernid Economaidd – Grant Datblygu Busnes a'r Gronfa Cymorth Penodol i'r Sector:

Grantiau Datblygu Busnes:

Grant Datblygu Busnes	Micro	BBaCh / Mawr	CYFANSWM
Nifer y ceisiadau a ddaeth i law	4,393 @41.88m	1,456	5,849
Ceisiadau a wrthodwyd	3,208 @ £30.4m	639	3,847
Cynigion a wnaed	1,186 @ £11.5m	817 @ £34.7m	2,003
Cynigion a dderbyniwyd	1,185 @ £11.5m	809 @ £34.6m	1,994 @£46m

(Gwybodaeth ym mis Ionawr 2021)